

《大智度論》之精進波羅蜜

釋厚觀

(2007年7月，美國佛法度假)

一、精進相

(一)《大智度論》卷30(大正25, 281b7-15):

凡得勝法非無因緣，皆從精進生。

精進有二相：一能進生諸善法，二能除諸惡法。

復有三相：一欲造事，二精進作，三不休息。

復有四相：已生惡法斷之令滅，未生惡法能令不生，未生善法能令發生，已生善法能令增長。如是等名精進相。

精進故能助成一切善法，譬如火得風助，其然乃熾。又如世間勇健之人能越山渡海，道法精進，乃至能得佛道，何況餘事！

(二)《十住毘婆沙論》卷15(大正26, 106c17-22):

斷已生惡法，猶如除毒蛇；

斷未生惡法，如預斷流水；

增長於善法，如溉甘果栽；

未生善為生，如攢木出火。

世間善事中，精進無障礙，

諸佛說是人，名為勤精進。

二、如何增益精進？

《大智度論》卷15，大正25(173a17-174a20):

問曰：菩薩欲得一切佛法，欲度一切眾生，欲滅一切煩惱，皆得如意，云何增益精進而能得佛？譬如小火不能燒大林，火勢增益，能燒一切。

答曰：

（一）惜身不能成辦諸善法故（導師《大智度論筆記》[A036] p.69）

菩薩從初發心，作誓願，當令一切眾生得歡樂，常為一切，不自惜身；若惜身者，於諸善法不能成辦，以是故增益精進。

（二）觀諸懈怠過失故（導師《大智度論筆記》[A036] p.69）

復次，菩薩種種因緣，呵懈怠心，令樂著精進。

懈怠黑雲，覆諸明慧，吞滅功德，增長不善。

懈怠之人，初雖小樂，後則大苦；譬如毒食，初雖香美，久則殺人。

懈怠之心，燒諸功德；譬如大火，燒諸林野。

懈怠之人，失諸功德；譬如被賊，無復遺餘。如偈說：

應得而不得，已得而復失，既自輕其身，眾人亦不敬。
常處大闇中，無有諸威德，尊貴智慧法，此事永以失。
聞諸妙道法，不能以益身，如是之過失，皆由懈怠心。
雖聞增益法，不能得上及，如是之過罪，皆由懈怠心。
生業¹不修理²，不入於道法，如是之過失，皆由懈怠心。
上智所棄遠，中人時復近，下愚為之沒，如猪樂在溷³。
若為世中人，三事皆廢失：欲樂及財利，福德亦復沒。
若為出家人，則不得二事：生天及涅槃；名譽二俱失⁴。
如是諸廢失，欲知其所由，一切諸賊中，無過懈怠賊！
以是眾罪故，懶心不應作，馬井二比丘⁵，懈怠墜惡道；
雖見佛聞法，猶亦不自免⁶！

如是等種種觀懈怠之罪，精進增長。

(三) 今世、後世、佛道、涅槃之利皆由精進故 (導師《大智度論筆記》〔A036〕p.69)

復次，觀精進之益，今世、後世、佛道、涅槃之利，皆由精進。⁷

(四) 菩薩知空不證度眾生是精進力 (導師《大智度論筆記》〔A036〕p.69)

復次，菩薩知一切諸法，皆空無所有，而不證涅槃；憐愍眾生，集諸善法，是精進波羅蜜力。

(五) 釋尊之精進

1. 菩薩時

復次，菩薩一人獨無等侶，以精進福德力故，能破魔軍及結使賊，得成佛道。

2. 成佛時

既得佛道，於一切諸法，一相無相，其實皆空；而為眾生說諸法種種名字，種種方便，度脫眾生生、老、病、死苦。

3. 滅度後 (佛滅度而不捨精進) (導師《大智度論筆記》〔A036〕p.69)

¹ 生業：1、猶生涯，職業。2、產業，資財。3、從事某種產業。(《漢語大詞典(七)》，p.1511)

² 修理：1、治理，2、謂治理得好，處理政務合宜。3、操持，料理。《百喻經·觀作瓶喻》：“愚人亦爾，修理家務，不覺非常。”4、處置。5、整治。(《漢語大詞典(一)》，p.1376)

³ 溷(尸乂ㄣ、)：圈，養牲畜禽獸之處。(《漢語大詞典(六)》，p.13)

⁴ 名譽二俱失：可能指在家、出家二眾若懈怠則易招來不好的名聲。

⁵ 馬井二比丘：馬宿(Aśvaka, 阿說迦)比丘及井宿(或稱滿宿)比丘，為六群比丘中之二人。《薩婆多毘尼毘婆沙》卷4：「六群比丘者：一、難途，二、跋難陀，三、迦留陀夷，四、闍那，五、馬宿，六、滿宿。云二人得漏盡入無餘涅槃：一、迦留陀夷，二、闍那。二人生天上，又云二人犯重戒，又云不犯，若犯重者不得生天也：一、難途，二、跋難陀。二人墮惡道生龍中：一馬宿，二滿宿。」(大正23, 525c29-526a5)

⁶ 免=勉【宋】【元】【明】【宮】。(大正25, 173d, n.5)

⁷ 三利皆由精進故。(導師《大智度論筆記》〔A036〕p.69)

將滅度時，以法身與彌勒菩薩摩訶薩、迦葉、阿難等；然後入金剛三昧，自碎身骨，令如芥子，以度眾生而不捨精進力。⁸

(六) 修行精進，無事不得故 (導師《大智度論筆記》[A036] p.69)

復次，如阿難為諸比丘，說七覺意⁹，至精進覺意。佛問阿難：「汝說精進覺意耶？」阿難言：「說精進覺意。」如是三問、三答。佛即從坐起，告阿難：「人能愛樂修行精進，無事不得；得至佛道，終不虛也。」¹⁰

如是種種因緣，觀精進利而得增益。

(七) 精進故不放逸，不放逸故能生諸法，乃至得成佛道

如是精進，佛有時說為欲，或時說精進，有時說不放逸。¹¹

譬如人欲遠行，初欲去時，是名為欲；

發行不住，是為精進；

能自勸勵，不令行事稽留¹²，是為不放逸。

以是故，知欲生精進，精進生故不放逸，¹³**不放逸故能生諸法，乃至得成佛道。**

……

(八) 三種思惟而起精進 (導師《大智度論筆記》[A036] p.69)

復次，菩薩有三種思惟：**若我不作，不得果報；若我不自作，不從他來；若我作者，終不失。**¹⁴如是思惟，當必精進，為佛道故，懃修專精而不放逸。……

(九) 寧自失身，不廢道業（於四威儀，常懃精進）

復次，是精進不自惜身而惜果報；於身四儀：坐、臥、行、住，常懃精進，寧自失身，不廢道業。譬如失火，以瓶水投之，唯存滅火而不惜瓶。……

如是種種因緣，觀精進之利，能令精進增益。

(十) 愍眾生苦，當勤精進早日度脫

復次，菩薩修諸苦行，若有人來求索頭目、髓腦、盡能與之。而自念言：我有忍辱、精進、智慧，方便之力，受之尚苦，何況愚騃¹⁵三塗眾生？我當為此眾生故，懃修精進，早成佛道而度脫之。

⁸ 參見《持世經》卷1 (大正14, 644c28-645b19)。

⁹ 七覺意：又稱七覺支：(1) 念覺支，(2) 擇法覺支，(3) 精進覺支，(4) 喜覺支，(5) 輕安覺支，(6) 定覺支，(7) 捨覺支。

¹⁰ 參見《雜阿含經》卷27 (727經) (大正2, 195b29-196a12)，《大智度論》卷15 (大正25, 173c4-8)，《大智度論》卷26 (大正25, 249c29-250a1)。

¹¹ 參見鳩摩羅什譯《持世經》卷1 (大正14, 644a1-7)。

¹² 稽留：延遲，停留。(《漢語大詞典(八)》，p.121)

¹³ 欲、精進、不放逸次第而生。(導師《大智度論筆記》[A059] p.99)

¹⁴ 三種思惟而起精進：1、我不作不得果，2、我不自作不從他來，3、我若作終不失。(導師《大智度論筆記》[A014] p.28, [A036] p.69, [I079] p.482)

¹⁵ 騃(ㄅㄛˋ)：愚，呆。(《漢語大詞典》卷12, p.847。)

三、「少精進」與「大精進」

《大智度論》卷29（大正25，272a16-25）：

（一）身精進為少，心精進為大

少進者，有二：身進、心進。身進為少，心進為大。

（二）外精進為少，內精進為大

外進為少，內進為大。

（三）身口精進為少，意精進為大

身口進為少，意進為大。如佛說意業大力故¹⁶。如大仙人瞋時，能令大國磨滅。復次，身口作五逆罪，大果報一劫在阿鼻泥犁中。意業力大，得生非有想非無想，壽八萬大劫；亦在十方佛國，壽命無量。以是故知，身口精進為少，意精進為大。

（四）三業動精進為少，不動精進為大

復次，如《經》說：若身口意業，寂滅不動，是為大精進；動者為少精進。¹⁷

四、菩薩精進，不見身，不見心，身心平等無分別是真實精進

《大智度論》卷16（大正25，179c28-180b7）：

菩薩行精進波羅蜜，於一切法不生不滅，非常非無常，非苦非樂，非空非實，非我非無我，非一非異，非有非無；盡知一切諸法因緣和合，但有名字，實相不可得。菩薩作如是觀，知一切有為，皆是虛誑，心息無為，¹⁸欲滅其心，唯以寂滅為安隱。爾時，念本願憐愍眾生故，還行菩薩法，集諸功德。

菩薩自念：我雖知諸法虛誑，眾生不知是事，於五道中受諸苦痛，我今當具足行六波羅蜜。菩薩報得神通，亦得佛道：三十二相、八十種好、一切智慧、大慈大悲、無礙解脫、十力、四無所畏、十八不共法、三達¹⁹等無量諸佛法。得是法時，一切眾生皆得

¹⁶ 三業中，意業力大，參見：

（1）《中阿含經》卷32（133經）〈優婆離經〉（大正1，628a-632c）。

（2）《佛說興起行經》卷下（大正4，170c-172a）。

（3）《成實論》卷9〈三業輕重品〉廣說「意業為重」。（大正32，307a-308a）

¹⁷ 「動精進」與「不動精進」，參見：

（1）《大智度論》卷81：

有二種精進：一、動相身心勤行，二、滅一切戲論故身心不動。菩薩雖勤行動精進，亦不離不動精進。不動精進不離般若波羅蜜。（大正25，632a12-14）

（2）《大智度論》卷81：

行般若菩薩，身心清淨，得不動精進，觀動精進如幻如夢。得不動精進故，不入涅槃，是名精進波羅蜜。（大正25，632b4-6）

¹⁸ 菩薩真實精進，知有為虛誑，心息無為。（導師《大智度論筆記》〔D007〕p.248；〔D001〕p.237）

¹⁹ 《中阿含經》卷11（第161經）〈梵摩經〉：「成就於三明，以此為三達。」（大正1，689a8）三

信淨，皆能受行愛樂佛法，能辦是事，皆是精進波羅蜜力，是為精進波羅蜜。

如佛所說，爾時²⁰菩薩精進，不見身，不見心；身無所作，心無所念，身心一等而無分別。所求佛道以度眾生，不見眾生為此岸、佛道為彼岸，²¹一切身、心所作放捨；如夢所為，覺無所作。是名寂滅諸精進故，名為波羅蜜。所以者何？知一切精進，皆是邪偽故。²²以一切作法，皆是虛妄不實，如夢、如幻；諸法平等，是為真實。²³平等法中，不應有所求索，是故知一切精進皆是虛妄。雖知精進虛妄，而常成就不退，是名菩薩真實精進。

如佛言：「我於無量劫中，頭目、髓腦以施眾生，令其願滿。持戒、忍辱、禪定時，在山林中，身體乾枯；或持齋節食，或絕諸色味，或忍罵辱、刀杖之患，是故身體焦枯。又常坐禪，曝露艱苦以求智慧；誦讀、思惟，問難、講說一切諸法；以智分別好惡麤細，虛實多少。供養無量諸佛，慇懃精進求此功德，欲具足五波羅蜜；我是時無²⁴所得，不得檀、尸、羸、精進、禪、智慧波羅蜜。見然燈佛，以五華散佛，布髮泥中，得無

達：宿命、天眼、漏盡。

隋·慧遠撰《大乘義章》卷20：「問曰：宿命、天眼、漏盡經說為通，復說為明，又云三達，有何差別？通釋義齊，於中別分非無差異，異相如何？如龍樹說：直知過去，八種事等，名宿命通；於中過去，知業因果，因緣道理名宿命明；知未來世死此生，彼名天眼通；知業因果因緣道理，名天眼明。直知漏盡，名漏盡通；知更不生名漏盡明。又知從道得滅不同，亦名為明。於如是等，知之窮盡說為三達。……論通共凡唯除漏盡，明共二乘，達唯如來。」（大正44, 862a2-14）

²⁰ [爾時] — 【宋】【元】【明】【宮】。（大正25, 180d, n.2）

²¹ 七住精進：

（一）身心精進：1、不見身—身無所作，2、不見心—心無所念。身心一等無分別。

（二）上求下化：1、不見眾生為此岸，2、不見佛道為彼岸。

（導師《大智度論筆記》[A015] p.29, [D009] p.252）

²² （1）《持世經》卷4〈八聖道分品第8〉：

持世！何謂菩薩摩訶薩善知正精進？菩薩摩訶薩住正精進？

若菩薩為斷一切精進道故，名為住正精進。何以故？一切精進皆為是邪，諸有所發、有作、有行皆名為邪。何以故？一切法皆是邪作，有所發作皆是虛妄，若虛妄者即亦是邪。正精進者，無發、無作、無行、無願，一切法中斷有所作，是菩薩於一切法中斷有所作，乃至涅槃相、佛相中，不生有所作相，是人善知一切所作皆為虛妄，為無所作故行道。若是正者則無所作，一切法平等無差別，無有所作，過所作相。是菩薩善知精進非是精進道，不取不捨故說名住正精進。正精進者，即是諸精進不可得義，即是諸法如實知見義。所謂正精進如是見者，不復分別是邪精進、是正精進，是故說名正精進。（大正14, 661b20-c6）

（2）參見《持人菩薩經》卷3（大正14, 637a18-b14）。

（3）《大般若經》卷597：

爾時，世尊告善勇猛菩薩摩訶薩言：善男子！諸菩薩摩訶薩修行般若波羅蜜多，於一切法都無所行。何以故？善勇猛！以一切法皆是顛倒之所等起，非實非有，邪偽虛妄。又善勇猛！譬如於法有所行者，皆行顛倒皆行不實。（大正7, 1092a）

²³ 假實：一切作法皆是虛妄，如夢如幻；諸法平等是為真實。（導師《大智度論筆記》[A015] p.29）

²⁴ 無=未有【宋】【元】【明】【宮】，〔無〕—【石】。（大正25, 180d, n.6）

生法忍，即時六波羅蜜滿²⁵；於空中立，偈²⁶讚然燈佛，見十方無量諸佛²⁷，是時得實精進。²⁸身精進平等故得心平等，心平等故得一切諸法平等。²⁹」

如是種種因緣相，名為精進波羅蜜。

五、釋尊行菩薩道時，著精進相故不得授記；後得無生法忍，不著精進相乃得授記

(一)《大智度論》卷81(大正25, 631a13-19):

復有菩薩勤精進，具足五波羅蜜故，行般若波羅蜜，得諸法實相，滅三業——身無所作，口無所說，心無所念。如人夢中沒在大海，動以手足求渡，覺已，夢心即息，是名從般若波羅蜜中生第一精進。如《持心經》³⁰中說：我得是精進故，於然燈佛得受記別。

(二)鳩摩羅什譯《思益梵天所問經》卷4(大正15, 57a15-c3):

又問：何謂菩薩牢強精進？

答言：若菩薩於諸法不見一相，不見異相，是名菩薩牢強精進大莊嚴也。於諸法不壞法性故，於諸法無著無斷，無增無減，不見垢淨出於法性，是名菩薩第一精進，所謂身無所起，心無所起。

於是世尊讚不退轉天子：善哉！善哉！讚已，語思益梵天言：如此天子所說，身無所起，心無所起，是為第一牢強精進。

梵天！我念宿世一切所行，牢強精進持戒頭陀，於諸師長供養恭敬，在空閑處專精行道讀誦多聞，愍念眾生給其所須，一切難行苦行慇懃精進，而過去諸佛不見授阿耨多羅三藐三菩提記。所以者何？我住身口心起精進相故。

梵天！我後得如天子所說牢強精進故，然燈佛授我記言，汝於來世當得作佛號釋迦牟尼。是故梵天！若菩薩疾欲受記，應當修習如是牢強精進，謂於諸法不起精進相。

世尊！何等是不起相精進？

佛言：三世等空精進，是名不起相精進。

世尊！云何為三世等空精進？

佛言：過去心已滅，未來心未至，現在心無住。若法滅不復更起，若未至即無生相，

²⁵ 無生法忍：得時六度具足。(導師《大智度論筆記》[C010] p.200)

²⁶ [偈] — 【宋】【元】【明】【宮】【石】。(大正 25, 180d, n.7)

²⁷ 參見《大智度論》卷 4：「時於燃燈佛所受記為佛，即時上昇虛空見十方佛，於虛空中立，讚然燈佛。」(大正 25, 91c21-23)

²⁸ 釋尊供然燈佛得記。(導師《大智度論筆記》[I030] p.439)

²⁹ 身精進平等得心平等，心平等故得諸法平等。(導師《大智度論筆記》[D009] p.252)

³⁰ 參見《持心梵天所問經》卷 4(大正 15, 27b)，《思益梵天所問經》卷 4(大正 15, 57a-b)。

若無住即住實相。又實相亦無有生，若法無生則無去來今，若無去來今者，則從本已來性常不生，是名三世等空精進，能令菩薩疾得受記。……

梵天！菩薩成就如是法忍，雖示現一切所行，而無所染污，是人得世間平等相，不為利衰毀譽稱譏苦樂之所傾動，出過一切世間法故，不自高、不自下，不喜、不感，不動、不逸，無二心，離諸緣，得無二法，為墮見二法眾生起大悲心，為其受身而教化之。梵天！是名第一牢強精進，所謂得無我空法忍，而於眾生起大悲心，為之受身說是牢強精進相。

時八千菩薩得無生法忍，佛為受記，皆當得阿耨多羅三藐三菩提，各於異土得成佛道，皆同一號，號「堅精進」。³¹

六、何謂「精進波羅蜜」？

(一)《摩訶般若波羅蜜經》卷5（大正8，250a19-23）：

云何名毘梨耶波羅蜜？須菩提！菩薩摩訶薩以應薩婆若心，行五波羅蜜勤修不息，亦安立一切眾生於五波羅蜜，以無所得故，是名菩薩摩訶薩毘梨耶波羅蜜。

(二)《大智度論》卷16（大正25，174b29-178a1）：

問曰：一切善法中精進多，今說精進波羅蜜，已入一切善法精進中。

答曰：

1、為佛道故精進（凡夫小乘不得名）（導師《大智度論筆記》〔A036〕p.69）

為佛道精進，名為波羅蜜；諸餘善法中精進，但名精進，不名波羅蜜。

問曰：一切善法中勤，何以不名精進波羅蜜，而獨名菩薩精進為波羅蜜？

答曰：波羅蜜，名到彼岸。世間人及聲聞、辟支佛，不能具足行諸³²波羅蜜，是故不名為精進波羅蜜。

復次，是人無大慈、大悲，棄捨眾生，不求十力、四無所畏、十八不共法、一切智及無礙解脫、無量身、無量光明、無量音聲、無量持戒、禪定、智慧。以是故，是人精進不名波羅蜜。

2、一心不息求佛道（導師《大智度論筆記》〔A036〕p.69）

復次，菩薩精進，不休、不息，一心求佛道。如是行者，名為精進波羅蜜。如好施菩薩³³求如意，杼³⁴大海水，正使筋骨枯盡，終不懈廢；得如意珠，以給眾生，濟其身

³¹ 另參見竺法護譯《持心梵天所問經》卷4（大正15，27b6-28a1）。

³² 諸波羅蜜=精進【宋】【元】【明】【宮】。（大正25，174d，n.12）

³³ 好施菩薩，又譯作能施菩薩、大施菩薩，其事蹟在《大智度論》卷12（大正25，151a-152a）有詳細之說明；另參見《六度集經》卷1（第9經）（大正3，4a-5a），《賢愚經》卷8（第40經）（大正4，404b-409c），《經律異相》卷9（大正53，47b-48a），《生經》卷1（第8經）（大正3，75b-76a）。

苦。菩薩如是難為能為，是為菩薩精進波羅蜜。

3、精進為首，勤行六度（導師《大智度論筆記》〔A036〕p.69）

復次，菩薩以精進力為首，行五波羅蜜，是時，名為菩薩精進波羅蜜。³⁵譬如眾藥和合，能治重病；菩薩精進亦如是，但行精進，不能行五波羅蜜，是不名菩薩精進波羅蜜。

4、不為餘事，但求佛道度眾生（導師《大智度論筆記》〔A036〕p.69）

復次，菩薩精進，不為財利、富貴、力勢，亦不為身，不為生天、轉輪王、梵、釋、天王，亦不自為以求涅槃，但為佛道，利益眾生。如是相，名為菩薩精進波羅蜜。

5、大悲為首，勤行不捨（導師《大智度論筆記》〔A036〕p.69）

復次，菩薩精進，修行一切善法，大悲為首。如慈父愛子³⁶，唯有一子而得重病，一心求藥，救療其病；菩薩精進，以慈為首，亦復如是，救療一切，心無暫捨。

6、實相智為首，勤行六度（導師《大智度論筆記》〔A036〕p.69）

復次，菩薩精進，以實相智慧為首，行六波羅蜜，是名菩薩精進波羅蜜。……

7、見三界五道苦而勤行求度（導師《大智度論筆記》〔A036〕p.69）

復次，爾時³⁷菩薩觀三界、五道眾生，各失所樂³⁸。……菩薩見是已，生大悲心：我於眾生為無所益，雖與世樂，樂極則苦；當以佛道涅槃常樂，益於一切。云何而益？當勤大精進，乃得實智慧，得實智慧知諸法實相，以餘波羅蜜助成，以益眾生，是為菩薩精進波羅蜜。……

有智之人聞是驚言：咄³⁹！以此無明恚愛法故，乃受此苦。出而復入，無窮無已！菩薩見此，如是思惟：此苦業因緣，皆是無明諸煩惱所作，我當精進勤修六度，集諸功德，斷除眾生五道中苦，興發大哀，增益精進。如見父母幽閉囹圄⁴⁰，拷掠撻⁴¹笞⁴²，憂毒萬端，方便求救，心不暫捨。菩薩見諸眾生受五道苦，念之如父，亦復如是。」
(大正 25, 175a6-177c10)

8、勤行五度，辦諸善法（導師《大智度論筆記》〔A036〕p.69）

³⁴ 杼(尸又): 舀(一么~)出, 汲出。(《漢語大詞典(六)》, p.426)

³⁵ 行精進波羅蜜時攝餘五波羅蜜, 參閱:(1)《大品般若經》卷4〈辯才品15〉(大正8, 245c12-29), (2)《大品般若經》卷20〈攝五品68〉(大正8, 366b10-367a2), (3)《大智度論》卷45(大正25, 386b17-c5), (4)《大智度論》卷81(大正25, 632a3-14)。

³⁶ 愛子=母【宋】【元】【明】【宮】【石】。(大正 25, 174 d, n.16)

³⁷ 〔爾時〕—【宋】【元】【明】【宮】【石】。(大正 25, 175 d, n.2)

³⁸ 各失所樂=以失樂為苦【宋】【元】【明】【宮】【石】。(大正 25, 175 d, n.4)

³⁹ 咄(勿又丿): 1、呵叱, 2、指呵叱聲, 3、嘆詞, 表示嗟嘆。(《漢語大詞典(三)》, p.313)

⁴⁰ 囹圄(力一ムノ口ㄨ): 監獄。(《漢語大詞典(三)》, p.628)

⁴¹ 撻(夕厶ノ): 拷打。(《漢語大詞典(六)》, p.817)

⁴² 笞(彳): 用鞭、杖或竹板打人。(《漢語大詞典(八)》, p.1133)

(1) 布施

復次，菩薩精進，世世勤修，求諸財寶給施眾生，心無懈廢。自有財物能盡施與，心亦不懈。

(2) 持戒

復次，精進持戒，若大若小，一切能受，一切能持，不毀、不犯；大如毛髮，設有違失，即時發露，初⁴³不覆藏。

(3) 忍辱

復次，勤修忍辱，若人刀杖打害，罵詈毀辱，及恭敬供養，一切能忍，不受、不著；於深法中，其心不沒，亦不疑悔。

(4) 禪定

復次，專精一心，修諸禪定，能住能守，得五神通及四等心、勝處、背捨、十一切處，具諸功德；得四念處及諸菩薩見佛三昧。

(5) 智慧

復次，菩薩精進求法，不懈身心，勤力供養法師，種種恭敬供給給使⁴⁴，初不違失，亦不廢退，不惜身命，以為法故。誦讀問答，初、中、後夜，思惟憶念，籌量分別，求其因緣，選擇同、異，欲知實相；一切諸法自相、異相，總相、別相，一相，有相、無相，如實相，諸佛菩薩無量智慧，心不沒不退，是名菩薩精進。

如是等種種因緣，能生能辦種種善法，是故名為精進波羅蜜。

9、總結：菩薩精進獨名為精進波羅蜜

波羅蜜義，如先說。⁴⁵

復次，菩薩精進，名為精進波羅蜜；餘人精進不名波羅蜜。

七、越快得解脫者一定是越精進的人嗎？

(一) 釋迦佛精進力故超越九劫疾成佛道

《大智度論》卷30（大正25，283b28-29）：

釋迦文尼佛與彌勒等諸菩薩同時發心，釋迦文尼佛精進力故超越九劫。⁴⁶

(二) 1、聲聞乘：疾者三世，久者六十劫。

2、獨覺乘：疾者四世，久者百劫。

3、佛乘：三大阿僧祇劫。

⁴³ 初：1、本，本來。2、全，始終。（《漢語大詞典(二)》，p.617）

⁴⁴ 給使：服事，供人役使。（《漢語大詞典(九)》，p.825）

⁴⁵ 參見《大智度論》卷12（大正25，145a-b），卷16（大正25，174c），卷18（大正25，191a5-7）。

⁴⁶ 參見《大智度論》卷4（大正25，87b27-c14），《大毘婆沙論》卷177（大正27，890b5-27），印順導師《淨土與禪》，p.71-p72。

(1)《大智度論》卷 28 (大正 25, 266c14-15):

有辟支佛，第一疾者四世行，久者乃至百劫行。如聲聞疾者三世，久者六十劫。

(2)《大毘婆沙論》卷 101 (大正 27, 525b14-21):

復次，依狹小道而得解脫故，名時解脫。狹小道者，謂若極速，第一生中種善根，第二生中令成熟，第三生中得解脫。餘不決定。

依廣大道而得解脫，名不時解脫。廣大道者，謂若極遲，聲聞乘經六十劫而得解脫，如舍利子；獨覺乘經百劫而得解脫，如麟角喻⁴⁷；佛乘經三無數劫而得解脫。

(3)《大毘婆沙論》卷83 (大正27, 428b26-29):

復次，大加行得故名大悲，非如聲聞菩提唯六十劫修加行得，獨覺菩提唯經百劫修加行得。如來大悲，三無數劫修習百千難行苦行然後乃得，故名大悲。

(三) 印順導師著《成佛之道》(增注本) p.236- p.237:

「通論解脫道，經於種、熟、脫，修證有遲速，非由利鈍別。」

有些佛弟子，一聽佛法，當下悟入而證果；有的勤苦的修學了一生，還是不能得道。今生修行而能不能證入，證入的遲入或者速入，那是決定於過去生中的修習。如過去沒有種下解脫心種，現在初生厭離心而修行，就想迅速證果，正像種下種子，就想結果，那怎麼成呢？如前生已修到了成熟階段，那今生一出頭來，見佛聞法，便能證悟了（甚至有不必再用功行，就會圓證的）。所以，在今生「修證」過程中，「有遲速」的不同，但這是決定於前生的準備如何，並「非由」於「利鈍」的差「別」。利根與鈍根，當然是有的，那就是上面說過的信行人與法行人了。著重於依師學習，以信為先的是鈍根；著重於自力學習，以慧為先的是利根；但這都是要經歷種熟脫三階的。依現生的修證而論，是不能以證入的遲速來決定他是利或鈍的。

近代的佛教界，有許多觀念，都是與經論相反的。他們以現生的修證努力，或悟證遲速來分別利鈍，而不知恰好相反。重信與重慧的差別以外，凡急求速成的，才是鈍根；大器晚成的，才是利根。

如以三乘來說，聲聞根性是鈍，緣覺根性是中，菩薩根性是利。

聲聞是鈍根，從發心到解脫，快些的是三生，最遲也不過六十劫。

緣覺的根性要利些，從發心到解脫，最快的也要四生，最遲的要一百劫。

菩薩是利根，他要修三大阿僧祇劫才究竟解脫呢！

⁴⁷ 麟角喻，參見《順正理論》卷32：「然諸獨覺有二種殊：一者部行；二麟角喻。部行獨覺，先是聲聞，得勝果時，轉名獨勝。有餘說：彼先是異生，曾修聲聞順決擇分，今自證道，得獨勝名。……麟角喻者，謂必獨居。二獨覺中，麟角喻者，要百大劫修菩提資糧，然後方成麟角喻獨覺。」（大正29, 524a17-27）